



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 119. Sessio XLI. Basileensis Synodi.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

**Sæcul. XV** tentaverant, legum severitate procedens  
**A.C. 1440.** decrevit, & judiciali ordine per debita  
 intervalla servato, tandem die vigesima  
 tertia Martii in Sessione, quæ post Graecorum discessum tertia numeratur, Amadeum Sabaudum unaque ejus electores, ac omnes illius sequaces, nisi infra quinquaginta dies resipiscerent, anathematis poenæ subjecit, declarans, Amadeum Antipapam, Hæreticum, & Schismaticum, omnesque ejus fautores, absque alia criminis declaratione, læsæ Majestatis reos esse, nisi intra præstitutum temporis spatium debitam præstiterint obedientiam: illis vero, qui ad officium redierint, delicti veniam pollicebatur. Sanctus Antoninus Decreti hujus meminit, quod Monstreletus integram Historiæ suæ inseruit, in actis tamen Concilii desideratur.

*Monstrelet.*  
*to. 2. ad ann.*  
*1349.*

## §. CXIX.

*Sessio quadragesima prima Basileensis Concilii.*

*Labb. Conc.*  
*to. 12. p. 642.*  
*Et tom 13.*  
*p. 1586.* Basileenses vix comperto Eugenii decreto adversus se proculso confestim die vigesima tertia Julii Sessionem numero quadragesimam primam celebrabant, in qua Eugenii sententiam declarabant scandalosam, injuriosam, schismaticam, ac a fide deviam, & hæreticam, unaque

naque inhiabant, ne quis cujuscunque status & conditionis esset, eam acceptare vel publicare auderet, sub poenis in eorumdem declaratione contentis. Præterea definiebant, eundem Eugenium de enormibus criminibus convictum, merito fuisse excommunicatum, exauctoratum, omnique jurisdictione exutum. *Siquidem Gabriel*, ita loquuntur Basileenses, *olim Eugenius Papa IV. nuncupatus, multiplicia, & enormia crimina universalem Ecclesiam Dei scandalizantia, quæ adeo notoria erant, quod nulla tergiversatione clari poterant, perpetraverat, & audire Ecclesiam, ac præceptis Synodalibus obedire contemneret, hæc sacra Synodus necessarium esse judicat, postquam in multa longanimitate & patientia post plures admonitiones expectaverat, per suam sententiam dictum Gabrielem fuisse, & esse notorium & manifestum hæreticum, & schismaticum, ac diversis aliis criminibus irretitum, eumque propterea a Papatu, & Romano Pontificio ipso jure privatum esse declarare, inhibendo singulis fidelibus, ne eidem Gabrieli tanquam summo Pontifici obedirent. An omnia ista dictoria, & convicia ex Basileensium ore, dictante Christiana Charitate, profluxerint, valde dubius hæreo.*

Sæcul. XV.  
A.C. 1440.